

# SIS Trifold Brochure (BM version)

Luar

Lembaran Pertama

## Tentang SIS

Sisters in Islam ditubuhkan oleh 8 orang wanita lebih 30 tahun yang lalu untuk memahami hak-hak wanita Islam di dalam al-Qur'an. Sejak itu, SIS berdiri di barisan hadapan untuk mengangkat dan memartabatkan kesamarataan dan keadilan untuk wanita Islam di Malaysia. Sisters in Islam telah didaftarkan pada tahun 1993 dan merupakan sebuah badan bukan kerajaan (NGO) yang dikecualikan cukai.

## Penyata Misi

Untuk memartabatkan prinsip-prinsip kesamarataan gender, keadilan, kebebasan dan kemuliaan insani dalam Islam dan memperkasakan wanita untuk menjadi pejuang perubahan.

## Apa yang Kami Perjuangkan

- ◊ Mempromosi kerangka hak wanita dalam Islam yang mengambil kira pengalaman-pengalaman hidup wanita dan konteks masakini;
- ◊ Menghapuskan ketidakadilan dan diskriminasi terhadap wanita dengan merubah cara fikir yang masih menganggap wanita lebih rendah daripada lelaki;
- ◊ Membina kesedaran awam dan menambahbaik undang-undang dan polisi-polisi dalam kerangka keadilan dan kesamarataan dalam Islam.

Lembaran Belakang

## Hubungi SIS

### SIS Forum (Malaysia)

(266561 W)

- |                                                                                                                                                   |                                                                                                                                          |
|---------------------------------------------------------------------------------------------------------------------------------------------------|------------------------------------------------------------------------------------------------------------------------------------------|
|  @SistersInIslam                                               |  sistersinislam.my                                    |
|  @officialSIS                                                 |  SistersInIslamMYS                                   |
| <hr/>                                                                                                                                             |                                                                                                                                          |
|  No 4, Lorong 11/8E, 46200 Petaling Jaya, Selangor, Malaysia |  +603 7960 3357<br>+603 7960 5121<br>+603 7960 6733 |
| <hr/>                                                                                                                                             |                                                                                                                                          |
|  sis@sistersinislam.org.my                                   |                                                                                                                                          |
| <hr/>                                                                                                                                             |                                                                                                                                          |
|  www.sistersinislam.org                                      |  +603 7960 8737                                     |

“ Saya merasakan saya telah memperoleh banyak ilmu daripada mereka dalam membantu ibu tunggal seperti saya, contohnya dalam menyelesaikan masalah-masalah berkaitan keluarga, mahkamah dan harta. SIS membuatkan kami lebih berani dan mereka membantu kami untuk menyelesaikan masalah-masalah kami. SIS juga telah menggesa saya untuk kembali ke mahkamah dan membuka semula fail kes saya.”

– Latifah Abdul Rahman,  
ahli Gabungan Hak-Hak Wanita  
Islam (GAHWI)



Muka Hadapan

**sisters in islam**

## Membina Suara Demi Perubahan

Sisters in Islam didokong oleh para penderma yang bermurah hati dan percaya dengan kerja-kerja yang kami jalankan. Sumbangan anda akan terus membantu kami untuk memberikan impak positif ke atas kehidupan mereka yang memerlukan.

Untuk menyumbang, sila layari:

[www.sistersinislam.org/donate](http://www.sistersinislam.org/donate)

123mm

126mm

126mm

375mm

190mm

# SIS Trifold Brochure (BM version)

Dalam

Muka surat pertama

## Advokasi

### Saranan untuk Penambahbaikan

Untuk memastikan kehidupan yang lebih baik buat semua, kami percaya perlunya ada keterbukaan untuk perubahan. Penglibatan dengan penggubal dasar, media, badan bukan kerajaan, kumpulan wanita akar umbi dan mereka yang mempunyai peranan untuk melobi untuk menambah baik undang-undang dan polisi amat penting. Kami juga menjalankan kerja-kerja advokasi untuk isu-isu yang berkaitan dengan hak-hak wanita dan kanak-kanak seperti poligami, perkahwinan kanak-kanak, kepolisian moral, dan kebebasan berekspresi.

## Perkhidmatan Undang-Undang

### Klinik Bantuan Guaman Telenisa

Kami percaya perlunya sokongan diberikan kepada mereka yang memerlukan bantuan. Telenisa adalah satu khidmat nasihat undang-undang percuma kepada lelaki dan wanita untuk memaklumkan kepada mereka akan hak-hak mereka di bawah Undang-Undang Keluarga Islam dan Undang-Undang Kesalahan Jenayah Syariah di Malaysia. Melalui Dana Bantuan Guaman Dr. Nik Noraini, kami menawarkan yuran pemfailan kepada anak guam yang memohon. Sejak tahun 2003, kami telah membantu lebih daripada 10,000 anak guam untuk membuat keputusan yang lebih baik untuk kehidupan mereka.

#### Waktu Operasi Klinik Bantuan Guaman Telenisa

Setiap hari Selasa, Rabu dan Khamis,  +603 7960 8802  
 telenisa@sistersinislam.org.my  
 @telenisa.sis

Muka surat kedua

## Jangkauan dan Pemerkasaan



### Penglibatan Awam & Pembinaan Kapasiti

Penglibatan orang awam adalah satu aspek penting dalam kerja-kerja kami. Pengajuran sesi pembelajaran seperti forum awam, bengkel dan dialog adalah suatu platform untuk mereka terlibat di dalam isu-isu semasa yang memberi impak ke atas wanita dan rakyat Malaysia. Platform-platform ini amat penting kepada kami di dalam situasi di mana adanya peningkatan terhadap konservatisma dan ekstremisme di peringkat nasional dan global.

Kami percaya kepada keperluan untuk membina suara-suara untuk perubahan. Kami menyediakan latihan kepada wanita untuk mengetahui dan menutut hak-hak mereka, dan membina satu ruang untuk berdebat dan berbincang berkenaan hak-hak wanita dan Islam. Sejak tahun 2000, kami telah menjangkau wanita daripada pelbagai lapisan masyarakat seperti wanita akar umbi, penggubal dasar, aktivis, wartawan, pemimpin agama, aktivis hak asasi, peguam, pelajar universiti, ahli seni dan pemimpin politik muda (Islam dan bukan Islam) di Malaysia dan seluruh dunia.



### Musawah

Pada bulan Februari 2009, kami melancarkan satu gerakan global untuk kesamarataan dan keadilan dalam keluarga Islam yang dikenali sebagai Musawah (Bahasa Arab bermaksud kesamarataan). Musawah menjalankan kerja-kerja dalam lapangan pembinaan ilmu pengetahuan, advokasi antarabangsa, jangkauan dan pembinaan kapasiti. Penerbitan Musawah, *Men in Charge? Rethinking Authority in Muslim Legal Tradition* telah menjadi satu rujukan utama di kebanyakan universiti di seluruh dunia.

Untuk maklumat lanjut berkenaan Musawah, sila layari:

[www.musawah.org](http://www.musawah.org)

Muka surat ketiga

## Kajian

Kami percaya kepada kuasa ilmu pengetahuan! Kajian merupakan tulang belakang kepada hujah-hujah kami untuk menambah baik undang-undang, membentuk polisi-polisi baru, dan memberi jawapan kepada kenyataan-kenyataan yang dibuat atas nama Islam yang mendiskriminasi wanita dan melanggar etika ajaran agama.

Di antara kajian yang telah kami lakukan adalah:

- ◇ Muslim Family Law Reform – A Model Law
- ◇ Impact of Polygamy on Muslim Families in Peninsular Malaysia
- ◇ National Report on Child Marriage: Its Relationship with Religion, Culture and Patriarchy

## Penerbitan dan Pusat Sumber

Kita semua mempunyai hak untuk mendapatkan ilmu pengetahuan. Sehingga tahun 2018, kami mempunyai 28 tajuk yang telah diterbitkan dan ia terus berkembang. Di antara tajuk-tajuk penerbitan kami adalah *Undang-Undang Keluarga Islam dan Keadilan Buat Wanita Islam, Islam dan Poligami, Adakah Lelaki Islam Dibenarkan Memukul Isteri Mereka?* dan *Wanita Sebagai Hakim*. SIS juga menerbitkan buletin bertema dikenali sebagai *Barazal* dan risalah suku tahunan.

Pusat Sumber kami menyimpan lebih daripada 4,500 bahan bacaan berkenaan Islam, demokrasi dan undang-undang yang progresif. Ia termasuklah buku, terbitan berkala, buletin, laporan dan risalah. Pusat Sumber kami terbuka untuk orang awam dari hari Isnin hingga Jumaat, pada jam 10.00 pagi hingga 5.00 petang.

**Masuk percuma tetapi temujanji perlu dibuat terlebih dahulu.**

126mm

126mm

123mm

375mm

190mm